



-Pamebhamε

"Nimlɔɔ : 39 "Su : -Buufaa -Kwε : 2011 "Su -bha 'sëédhe -mü "Gwεetaawo

'WɔN -TAɔNG -MA 'GÜ 'SËÉDHE

Me -dewo -yö -së

"Yuu 'sü -wo

-Kwε -dee (2011) 'ö bho, -a -bha 'sëédhe -blæesü =nε. -A -kë "dhü -sü bha- 'gü, -Pamebhamε -ya pö:«Kwaa- "yuu -mü! Kwaa- -kwε -dee "yuu -mü! -A 'dhö, ö -wo pö -mε -nu =gban, kö weng- -nu -gen -yö dhi "kwëë bha 'aa -yö kë -oo?»»

Me faan dɔ -wo

-Pamebhamε -yö kwa faan -dede -dɔ. -Yö "dhü =dhe 'wɔn =gban zü dɔ -dhe -yö "gbu-, "kεε -kwaa 'kun "gbu-. «-Slëslë =në =gwan -kan.» Kwa dë -nu -wa -pö "dhü. 'Bha 'dho kwaa- ü -de -zü 'ö 'gü ga dhe -yö ma ü -bha -Pamebhamε -wo pö -sü 'gü tongtongdhö. =Ya kë =dhe 'wɔn 'bha 'dhö ü -zo "piü kö 'ü- pö -Pamebhamε -dhe, tioo -ma. "Nimlɔɔ -nu =në 'wo -ya 'sëédhe ya- zü -go bha.

Kwaa- =danwo pö "sε 'gü -wɔn

"Siü =ya -pö "Gwεetaa "sε -ta 'zü

=Dhe kwaa -da -kwε -dee 'ö -kë 2011 'ka bha- 'gü, 'Yö -Zlaan 'dhö "Gwεetaa -mε -nu "pepe 'ö 'wo 'Biya, -a -nu -bha =dhuutii 'wo- -Dhuua



'Gaadë -kë bha, -a -ko kun. 'Mε 'ö 'kaa kë- dɔ, -Dhuua bha -yö -gun yë kë sië -blæesü yë kë -dhe
'kpü- 'ö 'Biya 'ö -kë sɔ "yɔn bho -dhe 'ka bha- 'gü, "kεε =ya gun =ya 'dho ö "tεε pa- =ya =mɔɔ -kwε 'gbε 'në 'bha -bha. "Su 'ö =ya 'go mü 'yö -Buufaa, 'ö -kë zangvie 'ka 'wo- desanngblë -kë, 'ö dɔ mü bha, -a -bha -dhekpäyi "saaga (08) 'ka gbeng 'Biya -a -go "kwanngdhö. =Dhuutii bha =ya kë sië -a zuëga -ya -kë. =Ya kë "dhü 'yö- -bha 'në -nu -waa 'sü =wa 'dho- 'ka =dhɔtrɔɔ =plöo kaatie platoo 'Biya. "Kεε -kaa -ga, "yua 'dhe ya 'ö -pö -ta, kö =bhluu "bhluu dhe -ya -da 'Biya kö "sε -go "dhiü -mε -yaa pö -wo "siü dhuu" -pö -ta -dhe =gban 'gü, mε 'bha 'ya 'dho yö "kpenng. -A -kë "dhü -sü bha- 'gü, "yua 'yii 'kun bho- 'gü kö -dhe -yö =kpäɔ.-Wo =dhuutii bha -a -wεε -bha zangvie -dhekpäyi 15 'ka. -Wɔ "yaan -yö -gun -a -dhekpäyi 14 'ka -a -de -go "kwanngdhö kaatie 'wo- Abulayi Dialo -kë =Yopugɔn

bha- 'gü. -A -dhekpäyi 16 'ö dɔ- "piü 'yö -kë -dhekpäyi "saɔple 'ka. 'Wɔn yaa -zë -mü "kεε -dedewo, -a -bha 'në -nu -wo kë -a ga 'gü -wɔn -kë -së =dhe 'wo kë -a kun -së -ko 'ö- -bha kö -yö -tun ziö -gen "dhiü bha- 'dhö. Mëbhudhe 'ö nu -yö -kë =dhe "su söng' 'dhö dhang- -bha. -A pö 'ö 'wo- wo =dhe mε këwɔn =në -Zlaan 'dhö -ta =keng- bha, 'yaa =sua 'ka. -A këwɔn -yö -gun -së =ya 'go mü -a -bha 'në -nu -wo mëbhu- 'ka -dedewo.



-Kwaa "Kodivua -se 'gü -wón

'Biya -dhe = ya kë yaa



= Ya = mow -kwe kpö -dede -bha me 'yaa 'Biya -dhe -wón 'gü ma 'zü. 'Ö gun -së 'ka -ko 'ö-
-bha 'kpa, 'yaa "dhü 'zü tongtongdhö. -Ka -dhe -ga. 'Bha ziö -dhe "vv -dhe 'ö- 'gü, blëë ("gblu) = wënnng -dhe
-yö zian- = gban 'ka. -A "dhëedhe -nu, "dhökwëëdhe "söw -dhe -nu = bidhong "gblügbli "söw -dhe -nu
= gban 'gü, "dunngtaadhe = në kaa -kpan -a -bha = dhe -ko 'ö ka "yan 'dhö- -bha ya 'dhö



"Gwënnng

<<-Du 'ö- wengga 'yaa 'dhö,
-Zlaan = në- -bha "wënnng -kë
-dhe.>> Kwa- pö "dhü kö kwa-
-pö = dhe -a "st 'yii kë = kö
-Pamebhame -dhe, "këë 'yaa 'wón 'bha 'ka,
-Zlaan -bha "tüng = në 'ö 'yii -wo = kö.

'Wón 'ö -gban "Kpungtaadhe -wón -bha



"Bü bha me = gban -bha -mü



-Koolookota 'kpüi- do -yö "kpungtaa 'ö "sego
-kaongdo ö ga "söodhu (15) -nu 'wo wı -sü 'ka- -bha
kö 'wo kë- 'gü. -A -bha -gome bha -wa -dhe 'Bang-
Ki 'Munö. -Koolookota bha, -a -bha "sodha -nu = në
'faan- "budhang -sü 'ö- -nu -go -bha bha. 'Bang- Ki

'Munö bha = në kwa faan do -dhiang zë 'yö- pö 'kwa "bü
'kun -së, kë "dhü kö -yö 'to kwa suu 'gü -në -nu = kwëë-
.-A -wón 'gü, -kwe 'ö kwëë (2011) -yö -ya -sü 'ka -dewón
"dhiü kö "bü -kun -së -sü bha, -a -dhioo -dede -yö do-
'ka. "Bü bha -ya -kë 'ö "siü do -sü fiëë 'ö -kë. Me "bhu-
-nu 'ö 'wo -tosea -kë "bü -bha kë -sü 'saa- 'gü, -wo me
miliaa do waa- ö = taa -ta = gbleen "kpungtaa.-Yö -kë
"bü suu "vv suu 'ö- 'ka, kwaa- 'kun -së. -Kwa kwa -de
'kun "siü -da "bü 'ka -sü -nu -go.-Kwa -dhioo do kwa 'ko
-nu -ta. "Bü bha "kpungdhe -to "dhü -sü zuëga -mü. "Bü
'yaa 'dhö 'zü, -tosea -yö -dho kë- mebhü- -nu -bha "gbu-
.-Wo 'sëëdhe -kë "dhü 'ka, -wa = bedhe ga -nu -kë -nu
-kë "dhü 'ka. Me "pepe 'ö 'wo -kë "bükëme -nu 'ka, -ka
do "gbu- 'ka -dhioo do ka 'ko -nu -ta. -Ka -dhe -ga kwaa-
"Kodivuaa -se ya- 'gü, 'pödhe do -yö mü 'wo- -dhe Tieme
Zanvie 'ö -ziö -kwe (2011) ya, -a -bha -dhekpacyi 31 bha
'yö "bükëme -nu 'wo "siü -da me -nu nakaadö -bhlaa

"kadhi 'gbe 'ka. "Bü kpö = nē 'ö 'wo- -zü = klēen 'wo "siü -da 'ka kö 'wo wü zē.

Me =slaw -pē -nu -wōn

-Bhöpē -zē -yö "Kodivuaa -se 'gü -dedewo



-Gblü -yö kwa -gō "se 'gü "kēē -bhöpē 'ö nu -kō 'ö- -bha, 'yö nu- -bha.'Wōn 'ö 'kwa dho 'sēē- bho- -a -wōn 'gü, yō -mü =dhe kö -gblü ya -yö yēn "vaandhö. 'Yaa 'ka glaw 'ö =loo bha =ya =gwēē ziaan- =kwēē =saa -nu, =zang -nu 'wo ziaan 'ka, -a -nu -bha -nu. =Ya kē "dhü -yö -gbaon "dhōw dō -mē -nu -ta -dedewo. Woo =de 'pō =wa nu- 'ka -a -dhe -ya -bha kö -wo wo =trōon =slaw. -A -wōn 'gü kö glaw sōnng yōō kē "gbu-.

-Ka -dhe

-ga, 'Biya =dēē kaatie 'gbe -dhe 'gü, glaw =piaa -sü bhe dō -yö 'wēē- -kaong =ple (100). -Dhe 'bha -nu 'gü 'wēē- -kaong -yaaga (150). -A bhe "gblügbü -nu -zē -wo -mōw 'wēē- -kaong -yiisiö (200) -nu -bha -dedewo. =Ya kē "dhü kö kwa 'dho siē "dhi yaa 'gü.

'Wōn 'ö -gban -potaasü -wōn -bha.

'Wōn 'ö -gban =weeme -nu -bha



Zanvie -dhekpaoyi 31 bha -yö -gun =weeme -nu -bha -dhekpaoyi 'ka 2011 ya- 'gü "kpungtaadhe -to "dhü -sü 'gü.

'Wo -ya =weeme -nu -bha 'fetö bha- kē -sü -bha "kpungtaa, -a kē -kō -kaong "sōodhu ö ga "saaga (58) -naa =nē 'ö -kwe (2011) ya- 'ka. "Gangyuvaa -mē -nu -wo kē wo -bha -kē zangvie -dhekpaoyi 30 'ö gun tenng yēē" (=dimasi) 'ka bha, -a 'ka "suplefetii 'ö Galebre, -a 'gü. Mē -yö kē -nu

-dedewo =weeme -nu faan dō -dhe 'gü. "kumana 'kpui- 'ö "Gangyuvaa, -a -bha 'sēēdhe -ben zē -mē -ya mē 'bha 'ya 'yöō- ('lēē-) =wee -bha -kē mē -bha -sü 'gü. 'ö 'mē 'ö- -bha, -a -mē -yö nu kö -wa "dhe kē. 'Mē 'ö =wee 'dhö gun- -nu -bha -a -nu -gō "pēen bha- -ta, -kwe 'ö -ziö ya 'ka, -wo mē kēng dō ö -kō dō waa- mē -yiisiö. -Kwe ya (2011) mē -kaong "saople ö ga -yaaga (73) =nē 'ö- -nu -bha "yua 'dhö bo. -Kwe dō ("su 12) =nē 'ö =dhōtrōw -nu 'wo "yua "dhe -kē -a 'ka 'yö bo. =Dhōtrōw -gōmē 'kpui- 'ö mü, -ya -pō "dhü 'Yö "sanngpedro -dhe bha, =weeme -kaong =ple 'wo -kē 'ka "klüüklü. 'Yö 'mē 'ö "yua 'dhö gun- -nu -bha 'wo gun mē 55. Dōkötēē 'ö 'wo- -dhe Nazagei Patrisü Ladi =nē 'ö- pō "dhü. 'Mē -nu 'ö 'wo kē =weeme -nu -bha 'fetö bha- -ta, -wo kē -nu saa- -nu, sō, =dhama, sēē", 'wēē- waa- pē "wēē 'bha -nu 'ka 'wo- -nu -kē gbaodhe -kē 'ka -pē -nu 'ka =weeme -nu -gō. -Kwaa 'wōn dō- 'ka =dhe 'fetö bha -wa kē "dhü -kwe -bha. -Kwe 'bha -ya -wo, 'yö 'wo- -kē -dhe 'bha- 'gü.

'Wɔn 'ö -gban troo -nu -bha mɛ wəkɔ -nu 'gü

Me 'kɔn -wɔn: =kpiëë 'ö -ta =dhe mebhudhe -yö -ta



'Wɔn ya -yö -kë "dhü wü -nu -tuö -dhe 'gü 'Glɛɛ-
-nu -gɔ "sɛ 'gü.

=Kpiëë bha -wa -dhe Amömö. -A "kidhung -yö
220 'yö- -bha =gbleen -dhe 'dhö 'metrë do waa- ö
'gbu 'kpii- (1,85) -dede 'ka. 'Yaa "ta ö -ko
tongtongdhö -yö ö -gen -ta -kpeawo. =Kpiëë bha,
-a -bha =dhɔtrɔɔ -yö -dhö.

-Ya -pö =kpiëë bha yöö doseng =në 'ö -ta ö -gen
wü =gban =zinng 'gü mü. -Ya -pö Amöbamö 'yii-
kë "dhü

kö 'ö kë =dhe mebhü- -nu 'dhö, -ya -kë "dhü kö 'ö
kë =në wo =gbleen, kö "bang 'wo- =klëë wü -tuö
-dhe -zü bha, 'ö -dhe yö- =taama, kö 'wo nu sië ö
-dhe pëbhee 'ka, 'ö- -dhe yö. =Dhɔtrɔɔ mi -ya -pö
=ya kë "dhü =kpiëë bha -yö -dhe -yö mü =gbleen
-dedewo.

Pë -Wlangda -sü

=Ya kë -Zlaan dhɔɔbhaa -wɔn 'ka, kwaa- =klang- -kë -bha 'sëedhe 'ö 'kwa- -dhe =Sao' =ya nu
'kpa 'ka bha, -a 'gbɛ 'bha -yö -dho -wo "kpenng "su do "piü. 'Sëedhe bha -a -saan -dede =ya kë.

=Ya 'go 'bha -ziaan wo 'mü 'sëedhe -bleesü 'ö -Zlaan -wo 'sëedhe zü bho -dhe 'gü 'wo- Zenezö -kë
bha, -yö -dho yö 'pö "kpenng.

'Ka ka bo 'sëedhe ya- -wo pö -sü 'ka, 'wɔn 'bha =ya kë ka -gɔ kö 'ka pö yi -dhe, -ka 'sëedhe kë kö
'ka bo. Yii- 'dresü -mü 08 BP 857 Abidjan 08 'ka. Tel. 08 18 08 88 / 45 01 93 36 ou 02 34 71 20

'Mɛ -nu 'ö 'wo 'sëedhe 'ö ya- -kë, wo -mü =Sai Zoziasü, "Dhɔɔgbö Zafe, =Kesı Mɔyan Dhifongsü,
Valangten Vidrinö waa- Edhena Pɛdhekwalösökaya 'ö- -nu =gban =plɛ 'wo go Dhusi 'ö -da "Anesü 'ö
go 'Suisü, -a -nu 'ka.



-Pamebhamε

"Nimlvv : **39** "Su : **-Buufaa** -Kwe : **2011** "Su -bha 'sëédhe -mü " *Gwεetaawo*
